

## თანამშრომლობის მემორანდუმი

საჯარო სამართლის იურიდიული პირი - ბათუმის შოთა რუსთაველის სახელმწიფო  
უნივერსიტეტის

და

სსიპ - ბათუმის ხელოვნების სასწავლო უნივერსიტეტის  
შორის

ქ. ბათუმი

---- ნოემბერი, 2024 წელი

ერთი მხრივ საჯარო სამართლის იურიდიული პირი - ბათუმის შოთა რუსთაველის სახელმწიფო  
უნივერსიტეტი (შემდგომში „ბსუ“), წარმოდგენილი რექტორის მოვალეობის შემსრულებლის,  
პროფესორ მერაბ ხალვაშის მიერ და მეორე მხრივ სსიპ - ბათუმის ხელოვნების სასწავლო  
უნივერსიტეტი (შემდგომში „ბხსუ“) წარმოდგენილი რექტორის, პროფესორ თეიმურაზ კეუერაძის მიერ  
(შემდგომში „მხარეები“), თანხმდებიან ურთიერთთანამშრომლობის შემდეგ პირობებზე:

### 1. მემორანდუმის საგანი

წინამდებარე მემორანდუმის საგანია მხარეებს შორის ურთიერთგაგებისა და პატივისცემის  
პრინციპებზე დაფუძნებული აკადემიური და სამეცნიერო-კვლევითი ხასიათის  
ურთიერთანამშრომლობა და ბსუ-ს ზუსტ მეცნიერებათა და განათლების ფაკულტეტის სამაგისტრო  
საგანმანათლებლო პროგრამის „პროფესიული და უწყვეტი განათლება“ (შემდგომში „პროგრამის“)  
განხორციელების ხელშეწყობა.

### 2. მემორანდუმის მიზანი, ამოცანები და მხარეთა უფლება-მოვალეობები

2.1 მხარეთა ურთიერთთანამშრომლობის მიზნებია:

- პროფესიული პრაქტიკის განხორციელება - მხარეებს შორის შეთანხმებული კონტინგენტის (ერთდროულად არაუმეტეს 10 სტუდენტისა) ფარგლებში მხარეთა შორის თანამშრომლობა და სტუდენტთა მიერ პროგრამით გათვალისწინებული პრაქტიკის კომპონენტის (პროფესიული პრაქტიკა - 6 კრედიტი და სასწავლო კურსებში ინტეგრირებული პრაქტიკული კომპონენტი) გავლა;
- პროგრამის ფარგლებში გათვალისწინებული კვლევების (ეთიკური ნორმების დაცვით) განხორციელების ხელშეწყობა.

2.2 სტუდენტთა პრაქტიკული, სამეცნიერო/კვლევითი/შემოქმედებითი და ტრანსფერული უნარების ჩამოყალიბების მიზნით მხარეები მონაწილეობას მიიღებენ პროგრამის შემუშავებაში (ინფორმაციის გაცვლა, მეთოდური დახმარება).

### 2.3 მემორანდუმის ამოცანებია:

- ა) სასწავლო და კვლევითი საქმიანობის ხელშეწყობის მიზნით მხარეებმა მოაწყონ ერთობლივი სამეცნიერო-პრაქტიკული კონფერენციები, სემინარები, ტრენინგები და სამუშაო შეხვედრები განათლების სფეროს თანამედროვე პრობლემებსა და პროფესიული და უწყვეტი განათლების საკითხებზე;
- ბ) დაიგეგმოს თანამშრომლობის კონკრეტული ფორმების რეალიზაციისთვის აუცილებელი ინფორმაციის ურთიერთგაცვლა;
- გ) მოხდეს საგანმანათლებლო, სამეცნიერო და მეთოდოლოგიური ლიტერატურის გაცვლა/გაზიარება;
- დ) საჭიროების შემთხვევაში მხარეებმა ისარგებლონ ისარგებლონ ერთმანეთის მატერიალური და საგანმანათლებლო რესურსით;
- ე) უზრუნველყოფილი იქნას პრაქტიკის კომპონენტისა და კვლევის შედეგების გაზიარება-გაცნობა.

## 3. მემორანდუმის ვადა და დასკვნითი დებულებები

- 3.1 მემორანდუმით გათვალისწინებული ღონისძიებების განხორციელებასთან დაკავშირებული საკითხები უნდა გადაწყდეს მხარეთა შეთანხმებით, საქართველოს კანონმდებლობის შესაბამისად.
- 3.2 დაუშვებელია წინამდებარე მემორანდუმის რომელიმე დებულების შეცვლა, მოდიფიცირება, უარყოფა, გაუქმება ან შეწყვეტა მხარეთა წერილობითი თანხმობის გარეშე.
- 3.3 წინამდებარე მემორანდუმის რომელიმე დებულება თუ მიიჩნევა ძალადაკარგულად, ეს გავლენას არ იქონიებს მემორანდუმის, როგორც მთლიანის, იურიდიულ ძალასა და კანონიერებაზე.
- 3.4 წინამდებარე მემორანდუმი შედგენილია ქართულ ენაზე თანაბარი იურიდიული ძალის მქონე ორ ეზოემპლარად, რომელთა თითო პირი ინახება მხარეებთან.
- 3.5 წინამდებარე მემორანდუმით გაუთვალისწინებელი გარემოებების შემთხვევაში მხარეები ხელმძღვანელობენ საქართველოს მოქმედი კანონმდებლობით
- 3.6 მემორანდუმი ძალაში შედის მხარეთა მიერ ხელმოწერის მომენტიდან და მოქმედებს ხუთი წლის ვადით.
- 3.7 მხარეთა რეკვიზიტები და საკონტაქტო ინფორმაცია:

საჯარო სამართლის იურიდიული პირი -  
ბათუმის შოთა რუსთაველის სახელმწიფო  
უნივერსიტეტი  
საიდენტიფიკაციო კოდი: 245428158  
მისამართი: 35/32 ნინოშვილის/რუსთაველის ქუჩა,  
ბათუმი  
ელ. ფოსტა: [info@bsu.edu.ge](mailto:info@bsu.edu.ge)



პროფ. მერაბ ხალვაშვილი, რექტორის მოვალეობის  
შემსრულებელი

*[Handwritten signature]*

სსიპ - ბათუმის ხელოვნების სასწავლო  
უნივერსიტეტი  
საიდენტიფიკაციო კოდი: 245628496  
მისამართი: ბათუმი, ზურაბ  
გორგილაძის/ვაჟა ფშაველას ქ. №19/32  
ელ. ფოსტა: [info@batu.edu.ge](mailto:info@batu.edu.ge)



245628496

*[Handwritten signature]*

პროფ. თეიმურაზ კეჭერაძე, რექტორი